

mali putabat esse originem. Mulierē scilicet quandam sua sibi menstrua propinasse, vt ita ceu philtro quodam ad amorem alliceret, ab eo enim tempore, hoc malo se fuisse vexatum. Montan. volens succurre frigidæ huic deprauatæ ventriculi temperaturæ, quod sæpius iam purgatus erat, & sanguinis missione, & humorum euacuatione, etiam tutissimū iudicauit, vt hiera picra Galeni, quam ab Andromacha habuit, familiariter vteretur, quā tamen ita mutauit.

Hiera
Montani

R. Aloes optimæ ʒ. x. ʒ. ij.

Cinnamomi,

Asari,

Croci,

Cubeborum,

Macis,

Spicæ ana ʒ. ij.

Misce cū melle rosato, fiat magdaleon, de quo singulis vicibus fiat pillula vna, pondere scrupuli j. sumēda hora ante cœnam. Hanc sumat singulis diebus, aut si alternis velit, sumat pro qualibet vice drach. vnam. Iussit & vti victu laudabili & optimo, abstinere à frigidis, humidis & crudis: vti autem aromaticis, & iis, quæ cient bonam coctionē, vinum eligere bene maturum, aromaticum, sed minime potens, clarum, & tenuis substantiæ.

CONSILIVM CXCIX.

De magna ventriculi & omnium naturalium membrorum imbecillitate.

LVVENIS quidam, qui tensiones habebat in vtroque latere, & maxime dextro, querebatur de dolore ventriculi, & appetitu prostrato, & totius corporis debilitate, capitisq; doloribus, maxime cū se mouebat, quod per consensum Montanus fieri arguebat. Urinæ erāt paleares, tenues, multæ, in quibus subsidebat plurimum materiæ subalbidæ, quæ plurimum pituitæ in corpore generari ostendebant, præterquam quod ex toto corporis habitu, & colore faciei satis appareret. Pedes & præcipue dexter, in qua parte maior erat tensio, interdum tumescebant, descendente eò materia. Montanus, quia tempus nō patiebatur, ad thermas eum mittere, quæ fuisset cura facilior, & magis velox, voluit vt singulis diebus acciperet pro syrupo.

R. Syrupi de marrubio,
De absinthio ana ʒ. j.

Sine aquis destillatis, vel simpliciter, vel in brodio pulli. Et propter imbecillitatē membrorum naturalium dicebat ei, vt à medicinis aliis abstineret, ne illi nocerent. Deinde tale emplastrum pro regione ventriculi, & omnium membrorum naturalium dedit.

Emplm

R. Carnis dactylorum,

Cidoniorum ana ʒ. vj.

Olei de absinthio,

Mastichini ana ʒ. iij.

Panis assati, & infusi in vino aromat. ʒ. iij.

Misce omnia simul, & cū modico vini maluatici fiat emplastrum in bona forma: quod si obam-

bulare volet, potest imponi sacco, de tela tenuissima, & ligari, ne cadat supra alia membra (aliā simpliciter partem tostam infusum in maluatico, & aspersum puluere garyophyllorū, & mastiches adhibuit) Pro capitis vnctione.

R. Olei lil. alborum,

Canom. Amygd. amararum ana ʒ. j.

Vngatur vesperi à temporibus versus spatulas, quando vult ingredi lectum. Cū surget mane, mastiget mastichen, & pituitam, quam educit, diligenter expuat: & vbi satis diu multumque posuerit, videat an per nates quoq; prouocare possit: & ad hoc accipiat beras, & maioranam, & decoquat in aqua, & expressum succum, cum modico saccari, leniter per nases attrahat, non nimis se fatigans. Semel in septimana lauet caput, ante cœnam, cū iam ædes non amplius egredietur: lixiuium dulce sit ex lignis vitium, in quo decoquantur, & post decoctionem fortiter exprimantur be-

Bearum m. s. in petia ligata, agarici electi ʒ. iij. panno seorsum ligato. Item sapo.

R. Ireos,

Garyophyllorum,

Nucis muscatæ,

Macis ana ʒ. j.

Agarici electi ʒ. ij.

Saponis Damasceni q. s. fiat sapo secundum artem.

DHoc faciat per 8. aut 10. dies, donec videatur, quid profecerimus, interea vtens bono victus regimine, bonis cibariis, & vino quidem mediocri, non tamen nimis tenui. Non comedat sine fame, nec inter cœnam & prædium, & quantum potest fugiat cruditates.

Linimentum pro ventriculo, cuiusdam, qui exicari toto corpore & ad hecticam declinare videbatur, ordinatum.

R. Olei amygdalarum dulcium,
Medullæ cruris vituli ana ʒ. j.

Mastiches ʒ. iij.

Garyophyllorum ʒ. s.

EMisce, & fiat linimentum pro stomacho, addendo modicum ceræ.

Alterum.

Carnes dactylorum contusæ, exprimantur, & succus vnā cum puluere mastiches, garyophyllorum, galangæ, incorporentur cum oleo chamamelino, & maluatico, vel alio vino bono: fiat in forma linimenti, quo inungatur regio ventriculi, ita vt non tangatur hepar.

CONSILIVM CC.

De ventriculi magna imbecillitate.

MONACHVS quidā iuuenis ex studiis, & sua illa victus ratione, nocturnis vigiliis quoq;, inciderat in magnā membrorum naturalium, & præcipue ventriculi imbecillitatē: ita vt flatus generaret plurimos, excitantes illi acerbissimos, & quandoque etiam colicis similes dolores, quibus sæpissimè affligebatur toto triennio, colorem nihilominus bonū habebat, qui hepar calidius esse satis ostendebat. Montanus hæc ei ordinauit.

R. Spe-